

ISAAKU



The story of Isaac the son of Abraham
as recorded in the holy Torah, the book of Moses

Nɔwɛtɛna Isaakunɛ

Ibrahĩ zĩ kũ a ɔɔɔɔ kà zã, akũ Dikiri arubarikaa dàagu yã sĩnda pĩnki gũn. Akũ à ò a zĩkerinɔ gbẽ zõkõ kũ à de a pó sĩnda pĩnki yãgõgõri ũne à pì: N̄ ɔ sɔtɔ ma gbáda gbáru, mani tó ò la da kũ Dikiri, musu kũ zĩteo Luda tóo kũ ïni Kanaa kũ má kú n̄ ténɔ nɔ sé ma nénero. N̄ gé ma be b̄usun ma danenɔ gũn, ò nɔ sé ma néne gwe. Akũ a zĩkerii pì a là à pì: Tó nɔgbẽ pì dí we à tèmai à sù kũmao b̄usu díkĩnan s̄oro bi? Mani gé kũ n̄ néo b̄usu kũ n̄ bonn yá? Ibrahĩ p̄ine: N̄ laakari ke! N̄sun gé kũ ma néo gwero. Dikiri Luda Musude ma bo ma de bea ma danenɔ b̄usun, akũ à yã òmene à la dà à pì, áni b̄usu díkĩna kpá ma burinɔame. Àkũ mé ani a Malaika zĩ à donne are. Gwen ïni nɔ s̄en ma néne. Tó nɔgbẽ pì dí we à t̄enyĩro, n̄ bo ladana kũ n̄ la dàmene dí gũn. N̄sun gé gwe kũ ma néoro fá! Akũ a zĩkerii pì a ɔ sɔtɔ a dikiri gbáda gbáru, à la dànɛ yã p̄ii musu.

Zĩkerii pì a dikiri lakuminɔ s̄è m̄en kuri kũ a dikiri aruzekɛ buri pĩnkio, akũ à f̄ute à ḡè Nao be w̄eten zaa Siria Mesopotamia b̄usun. Kũ à kà gwe, à tò lakuminɔ kámma bò l̄ogɔɔ sare w̄ete kpe. Kũ ɔkɔsi k̄è, ɔɔɔ kũ nɔgb̄enɔ d̄i b̄ote í tó, akũ à adua k̄è à pì: Dikiri, ma dikiri Ibrahĩ Luda, ò gb̄eke ke ma dikiriine ò tó ma tá ke nna ɔkɔsiala. N̄ gwa, má zena l̄ogɔɔ sare. Tó w̄ete n̄kparenɔ b̄ote í tó, n̄kpare kũ ma òne à a lo kipa à í tómene mà mi, tó à p̄imene mà mi, akũ à kpà ma lakuminɔa dɔ, de mani d̄õ kũ n̄ gb̄eke k̄è ma dikiriine, nɔgbẽ kũ n̄ d̄ite n̄ z̄òbleri Isaaku pó ũn gwe. Adi yã pì o à làkaro, akũ Betueli né Rebeka bò kũ loo dina a ḡàn. Betueli bi Ibrahĩ v̄ini Nao né kũ à ì kũ a nanɔ Milikaome. Né pì mana ak̄ũs̄ à b̄ūnumɛ, ḡõgbẽ ke dí wute k̄āao zikiro. À sù l̄ogɔ k̄ĩnaa, à í tò à

a lo pà, akū à èra àten tá. Akū zīkerii pìi bàa lè à gèè à zé zǝne à pì: Ñ ma gba í mà mi, bee fíti. Nɔgbē pìi pì: Ñ mi Baa! Akū à a lo kipa gǝnɔ, à í kpàa à mì. Kū à í kpàa à mì à làka, à pì: Mani tó n lakuminɔne dɔ, ò mi ari ò kǎ. Akū à a lo í kà pónɔ ímibɔn gǝnɔ, à èra à bàa lè à gèè à í tó lògɔn, akū à í tò lakuminɔne pínki. Gǝgbē pì zena àteni a gwa tíii, de à le à dǝ tó Dikiri ni tó a tá ke nna, ke ani ke nnaro. Kū lakuminɔ í mì ò làka, akū gǝgbē pì wura tǎnka mana dà nɔ pìine a yǎ, à wura zǎ dànè mèn pla. Tǎnka pìi tìkisii kà giramu sɔɔro, zǎ pìnɔ sǝ giramu basɔsɔɔro. Akū à a là à pì: Ñ omene, dí néme n ũu? Óni iki e n de bea yá? Akū à wèa à pì: Betueli nén ma ũ, Milika kū Nao daikore. Sè kū tàragaaɔ din ó bea, akū iki kun dɔ. Akū gǝgbē pìi kùte à donyĩ kè Dikirine à pì: Dikiri ma dikiri Ibrahĩ Luda arubarika vĩ kū adi gí gbēke kū náanio yǎ kenero yǎi. Makū sǝ, Dikiri dòmene are ma dikiri danenɔ bea.

Akū nɔkpare pìi bàa lè à gèè à yǎ pì gbà a ɔndenɔne. Rebeka pì dǎgǝ vĩ kū òdi pine Labǎ. À bò wète kpe kū bàao à gèè à gǝgbē pìi lè lògɔ léa, zaakū à è a dǎre tǎnka kū zǎo dana, akū à yǎ kū gǝgbē pìi ònɛè mà. Kū à gèè à a lè kū lakuminɔ lògɔ léa, à pì: Ñ mó mɔkɔn kū Dikiri arubarikaa dàngu! À kè dera n zena wète kpee? Ma kpé kèkenne kū lakuminɔ bàdɔkio. Gǝgbē pìi gè ɔnn, akū Labǎ lakuminɔ aso pòro à sèla kori kū tàragaaɔ kpámma à í kpà gǝgbē pìia à a gbá pípìo kū a gbēnɔ n pínki.

Ò póble dítene, akū à pì: Mani pó ble gíaro ari mà yǎ kū ma suo o. Akū Labǎ pì: Ñ o. Akū à pì: Ibrahĩ zīkeriime ma ũ. Dikiri arubarikaa dà ma dikiriine manamana, akū à gǝ aruzekede ũ. À a gbà sǎnɔ kū zùnɔ kū andurufuuo kū wuraaɔ kū gǝgbē zīkerinɔ kū nɔgbē zīkerinɔ kū lakuminɔ kū zaakinɔ. Ma dikirii

pì nanɔ Sara né ì gɔgbɛ ũ a zĩkũnaa gũn, akũ ma dikiri pɔ kũ à vĩ kpà né pìia pínki. Ma dikirii tò ma la dà, zaakũ à pì màsun Kanaa kũ à kú í ténɔ nɔ sé a nénero. À pì mà gé a de bea a buri gũn mà nɔ sé a néne gwe. Akũ ma a dikirii là ma pì, tó nɔgbɛ pì dí we à témai sɔro bi? À wèma à pì, Dikiri kũ a táa ò kãao mé ani a Malaika zĩ à gé zemene, de ma tá ke nna, mani nɔ sé a néne a de be danenɔ té. À pì tó ma ge a buri kĩnaa, tó odi wero, mani bo ladana kũ ma la dàare gũn. Kũ ma ka lògɔ kĩnaa gbàra ma pì: Dikiri, ma dikiri Ibrahĩ Luda, tó n we, ò tó ma tá ke nna. Má kú lògɔ léa. Nɔkpare kũ à sù í tó, akũ ma pìne à ma gba í fíti mà mi, tó à pì mà mi, akũ à tò ma lakuminɔne dɔ, mani dɔ kũ nɔkpare kũ n dìte à ke ma dikiri né pɔ ũn gwe. Ari màgɔ yã pì o ma nèseɛ gũn mà láka, akũ Rebeka bò kũ loo dina a gãn à sù lògɔ léa à í tò. Akũ ma pìne à ma gba í mà mi. À a lo kipa gɔnɔ, à pì mà mi áni kpá ma lakuminɔa dɔ. Kũ ma mì, akũ à kpà ma lakuminɔa. Akũ ma a la, dí nén a ũu? À pì Betueli nén a ũ, Milika kũ Nao daikore. Akũ ma tãnka dàne a yã, ma zã dàne a ɔnɔa. Akũ ma kute ma donyĩ kè Dikiri ma dikiri Ibrahĩ Ludane ma sáabu kpàa, zaakũ à dòmene are zé súsu gũn, de mà a dikiri vĩni daikore sé a néne. Tera sà tó áni we à gbɛke kũ náanio yã ke ma dikiriine, à omene. Tó ádi we sɔro, à omene, mani gé gu pãndea. Labã kũ Betuelio wèa ò pì: Yã pìi bò Dikiri kĩnaame, ó yãke ona vĩro, a mana ke a vãni. Rebekan dí, ò a sé ò tá kãao, à gɔ n dikiri né nanɔ ũ lákũ Dikiri ò nà. Kũ Ibrahĩ zĩkerii pì í yã mà, à wùte zĩte Dikirine. Akũ à nɔmanableɔ kũ ò kè kũ andurufuuo kũ wuraa kũ pókasanɔ bòte à kpà Rebekaa. À a vĩni kũ a dao

gbà pɔ ɔɔɔdenɔ ɔɔ. Akū àpíi kū gbē kū ò kú kãaonɔ pɔ blè ò í mî, akū ò ì gwe.

Kū ò fùte kɔnkɔ à pì: À ma gbare mà tá ma dikiri kīnaa. Nɔ vīni kū a dao pì: Ñ tó né pì gɔ kūoo bee ɔɔɔ kuri, á gbasà à tá. Akū gɔgbē pìi pìíne: Lákū Dikiri ma tá kè nna nà lán dí bà, àsun ma dādā doro. À ma gbare mà tá ma dikiri kīnaa. Akū ò pì: Ò né pì sísì ò a la. Akū ò Rebeka sísì ò a là ò pì: Ñni tá kū gbē pìio yá? Akū Rebeka pì: Mani tá kãao. Akū ò Rebeka gbàre kū a gwàri kū à a gwà zaa a fítinna zīo, òten tá kū Ibrahī zīkeriio kū a gbēnɔ. Ò sa mana ò Rebekane ò pì:

Né, Luda tó ñ gɔ gbē dasinɔ dai ũ,
n burinɔ gɔ gbāna vī í zāngurinɔa.

Akū Rebeka fùte kū a nɔgbē zīkerinɔ, ò dī lakuminɔ kpe ò té gɔgbē pìii, akū à tà kūńwo.

A sù à lè Isaaku sù kū lòɔ kū òdi pi Ludabēnekūadima'eo à vùte Negevi bùsun. À bò à gèe à laasun lé sēn ɔkɔsi, akū kū à wé sè, à è lakuminɔ ten su. Rebeka wé sè à Isaaku è se, akū à kipa a lakumi kpe likalika à zīkerii pìi là à pì: Dín gɔgbē kū àten kure sēn àten su daole zā dire ũu? Akū zīkerii pìi wèa à pì: Ma dikiriime. Akū Rebeka a pódangānn sè à kù a ānnwa. Kū ò kà Isaaku kīnaa, zīkerii pì yā kū à kèe bàbane pínki. Isaaku gè kū Rebekao a da Sara bizakutan, akū à a sè à gɔ a nɔ ũ. À ye nɔ pìii, akū a laakari kpatena a da ga gbera.

Ibrahī ganaa

Ibrahī nɔ pānde sè ɔɔ a tón Ketura. Né kū à ì kãaonɔ tón dí: Zimlā, Yókɔsā, Mēdā, Midiā, Isibaki, Sua. Yókɔsā mé à Seba kū Dedāo ì. Dedā burinɔn Asirianɔ kū Letusinɔ kū Leuminɔ ũ.

Midiã nэгѓgbѓnɔ tɔn dɪ: Efa, Efa, Anɔku, Abida, Elɛda. N pɪnki Ketura burinɔmɛ.

Ibrahĩ a aruzɛkɛ kpà Isaakua pɪnki, akũ à gba dà a nɔ yìgisaride nénɔnɛ à n gbáɛ ifāboki kpa de à kpé à ga, de òsungɔ kú kũ Isaakuoro yāi.

Ibrahĩ kè wè bakendo sɔɔro sari, akũ à gà. À zĩ kũ yúkuyuku, gbasà à kà a gbēnɔla gyāwān. A nénɔ Isaaku kũ Sumailao a vĩ Makpɛla gbèwɛɛ gũn, Mamare ifāboki kpa, bura kũ à de Iti buri Zoa né Eflɔnu pɔ ũ yā kũ Ibrahĩ pìi lù Itinɔa. Gwen ò a vɪn kũ a nanɔ Sarao. Ibrahĩ ganaa gbera Luda arubarikaa dà a né Isaakun. À vutena Ludabēnekũadima'e lògɔɔ sara.

Sumaila burinɔ

Ibrahĩ né Sumaila burinɔ yān dɪ. Sara zĩkeri Hazara, Misila nɔgbē mé à né pìi ì kǎao. Sumaila nэгѓgbѓnɔ tɔn dɪ lákũ ò n í nà. A daudu tɔn Nebayo. A dakūnanɔ tɔn dɪ: Keda, Adabeli, Mibisamu, Misima, Duma, Masa, Adada, Tema, Yetu, Nafisi kũ Kedemao. Sumaila nэгѓgbѓnɔ tɔn gwe. N baadi a tó kpà a lakutu ke a bùraanɛ. Mókɔnɔmɛ a buri kuri awɛɛplanɔ kɪnanɔ ũ.

Sumaila kè wè basuddo akuri awɛɛsuppla, akũ à gà à kà a gbēnɔla gyāwān. A burinɔ vùtɛ zaa Avila ari à gèɛ pé Surua, Misila ifāboki kpa gena Asiria bùsu kpa. Òdi kɔ té kpákpa kũ Ibrahĩ buri kparanɔro.

Isau kũ Yakubuo inaa

Ibrahĩ né Isaaku burinɔ yān dɪ. Ibrahĩ Isaaku ì. Kũ Isaaku kà wè bupla, akũ à Labā dāre Rɛbeka sè. Àkūmɛ Siria bùsu gbē Betueli kũ à bò Mesopotamia bùsun né ũ. Isaaku wé kè Dikiria

a nanɔnɛ, zaakũ paramɛ, akũ Dikiri a adua sɪ, a nanɔ pɪi nòɔ sɪ. Sikanɔ ten ɔsi ká a gberɛn, akũ à pì: Bó yā mé à tò yā bire taka ma lee? Akũ à gèè à Dikiri là. Dikiri pìnɛ:

Buri mèn pla kú n né'ison,
gbɛ̃nɔn pla kũ ò kú n gberɛn pìnɔ ni kɛ̃kɔ̃a.
Buri mèn do gbāna nigɔ̃ de a dola,
a kũ à bò káaku nigɔ̃ né ũ gbɛ̃ kpɛdenɛ.

Kũ a né'igɔɔrɔ kà, akũ à sikanɔ ì gɔ̃gbɛ̃nɔ ũ. Kũ gbɛ̃ káaku ten bo, à bò tɛɛ zónzon. À mèkã vī lán uta kãde bà, akũ ò tɔ kpànɛ Isau. Abire gbera kũ né plade ten bo, à dò Isau gbátokia, akũ ò tɔ kpànɛ Yakubu. Isaaku wɛ̃ baaakɔ̃de gūnn à né pìnɔ ì.

Né pìnɔ zɔ̃kɔ̃ kũ. Isau kè tofekarì gbāna kũ àdì kɛ̃ sɛ̃ntearo ũ. Yakubu sɔ̃ begwariime. Isaaku ye Isauì kũ à nòbɔ lɛ̃'ì vī yāi. Rɛ̃bɛka sɔ̃ à ye Yakubui.

Zĩkea Yakubu ten dòo kuku, akũ Isau sù kũ sɛ̃ntɛo nà teni a dɛ. Akũ à pì Yakubunɛ: N yā nna! Ì tó mà dò tɛ̃ra bire ble, zaakũ nà teni ma demɛ. A yā mé à tò, ò tɔ kpà Isaune ɛdɔmu. Yakubu pì: Ì n daudukezɛ kpáma gĩa. Akũ Isau pì: Má kú ga léi, bón ma daudukezɛ ni kɛmɛnɛ? Akũ Yakubu pìnɛ: Ì la damɛnɛ gĩa. Akũ à la dànɛ à a daudukezɛ kpàa. Akũ Yakubu burodii kpàa kũ bládoo pìio. À blè à í mì, akũ à fùtɛ à bò. Lɛmɛ Isau kè lɛ, à a daudukezɛ dɛtɛ pã.

Isaaku kũ Abimelekio

Nàa kà bùsuu pìn a káakupɔ kũ à kà Ibrahĩ gɔɔrɔa baasi, akũ Isaaku fùtɛ à gèè Filisitininɔ kína Abimeleki kīnaa Gera. Akũ Dikiri bò à sùà à pì: Ìsun tá Misilaro, ì vutɛ gu kũ mani onnen. Ìngɔ̃ kú bùsu díkīnan gĩa, manigɔ̃ kú kūnwɔ mà arubarika danne. Mani bùsu díkīna kpámma pínki kũ n burinɔ,

mani lé kũ ma kè n denɛ kenne. Mani n buri kara lán susunenɔ bà, mani bùsu díkĩna kpámma pínki. Buri kũ à kú zĩtenɔ ni arubarika le n buri gãi ní pínki kũ Ibrahĩ ma yā mà yāi. À ma ɔɔki gwà, akũ à yā kũ ma òtenɔ kũna kũ ma yādannenano kũ ma dokayānɔ.

Akũ Isaaku gũ Gera. Kũ wẽtepidenɔ teni a la a nana yā musu, à pì a dāremɛ. Àten vĩna ke, zaakũ àten da tó à pì a nanɔmɛ, oni a de nɔ pì yāi, zaakũ nɔ pì bi nɔ manamɛ. Kũ a gɔɔ pla kè gwe, Filisitininɔ kí Abimeleki wé kpàte wondoo gũn, akũ à è Isaaku ten bāndara gá kũ a nanɔ. Akũ à Isaaku sisi à pì: Ase n nanɔmɛ! À kè dera n pì n dāremɛ? À wèa à pì: Maten da oni ma de a yāimɛ. Abimeleki pì: Bó yā n kèwere lee? Fítí mé à gũ kũ ó gbẽke ni wúte kũ n nɔ pìio, de n ó da taarin. Akũ Abimeleki gbẽnɔ sã gbẽnnɛ pínki à pì: Gbẽ kũ à ɔ nà gōgbẽ pìia kũ a nanɔ, oni a de.

Isaaku pó tũ bùsuu pìn, akũ à pó lè wè birea leu basɔɔro, kũ Dikiri arubarikaa dân yāi. À kàra, a aruzekɛ ten kara ari à kè aruzekede zõkõ ũ. À sãnɔ kũ zùnɔ vĩ dasi kũ zĩkerinɔ, akũ Filisitininɔ zān. Akũ ò lòɔ kũ a de Ibrahĩ gbẽnɔ yẽ a gɔɔano tàta kũ bùsuuo pínki. Akũ Abimeleki pì Isaakune: N fute ó kĩnaa, zaakũ ní gbāna deóla manamana.

Akũ Isaaku bò gwe à bùraa kàte Gera guvuten, akũ à gɔɔ pla kè gwe. Lòɔ kũ ò yẽ a de Ibrahĩ gɔɔa akũ Filisitininɔ tàta a de ga gberanɔn à èra à bòbɔ à tó dokõnɔ kũ a de kpànnɛ yānɔ kpànnɛ ɔ. Isaaku zĩkerinɔ lòɔ pānde yẽ guvute pìn, akũ ò bò í manaa. Akũ Gera pódārinɔ fiti kè kũ Isaaku pódārinɔ ò pì: Ó ímɛ. Akũ à tó kpà lòɔɔ pìine Fítii, kũ ò fiti kè kãao yāi. Ò lòɔ pānde yẽ, akũ ò fiti kè lòɔɔ pì yā musu ɔ, akũ à tó kpàne

Íbetε. À bò gwe, akũ à lòḡḡ pānde yǝ dɔ, odi fiti ke a yā musu doro. Akũ à tó kpàne Mèporoki, zaakũ à pì: Dikiri tò o mēe pòro, óni dagula sà.

Abire gbera à gēε Besεba. Dikiri bò à sùà gwāani birea à pì: Makũme n de Ibrahĩ Luda ũ, òsun vīna kero zaakũ má kú kũnwo. Mani arubarika dangu mà n buri kara ma zòbleri Ibrahĩ yāi.

Gwen à sa'oki bòn à Dikiri sìsi. Akũ à bùraa kàte gwe à gbēno ten lòḡḡ yǝ. Akũ Abimeleki bò Gera à sù Isaaku kīnaa kũ a kpàasi Auzao kũ a zĩkarino gbē zōkō Fikɔluo. Isaaku n lá à pì: Kũ a zāmagu a pema á bea, à kè dera a su ma kīnaa? Ò wèa ò pì: O è Dikiri kú kũnwo, akũ o pì à mana ò lédokōno ke ò la dakōne a yā musu kũ ìni yā vāni ke kewerero, zaakũ ódi wé tāmmaro. Yā manan o kènne o n gbarε aafia, akũ Dikiri arubarikaa dàngu. Akũ Isaaku n yàrii kè, ò pó blè ò í mì. Kũ ò fùte kɔnko, ò la dàkōne, akũ Isaaku zèñne, ò bò a kīnaa aafia. Zĩ birea Isaaku gbēno sù ò lòḡḡ kũ ò yǝ yā òne ò pì: O í è. Akũ à tó kpàne Sεba. A yā mé à tò òdi wēte pì sìsi Besεba ari kũ a gbārao.

Kũ Isau kà wēε bupla, à Iti no sè mèn pla, Beri né Yudi kũ Eloni né Basemao. Isaaku kũ Rebekao nèsee òìḡō yakana n yāime.

Isaaku sa'olekena Yakubune

Isaaku zĩ kũ a wé gbāna doro, àten gu e manaro. Akũ à a dauduu sìsi à pì: Né! Akũ à wèa à pì: Makũ dí. Isaaku pì: Ma zĩ kũ má a gagɔɔ dōro. Ì n sá sé kũ n gbàtaao ò gé ò nòbòsēnte wetemene. Ì ma poyeina dòo kuku ò mómene mà ble, mani sa'ole kenne de mà kpé mà ga.

Rebeka yā kũ Isaaku ò Isaune pìi mà. Kũ Isau fùte à gèe tofe ká, akũ à gèe à ò Yakubune à pì: Ma mà n de yā ò n vīnine à pì à gé à nòbo deare à a poyeina dòo kukuoare à ble, áni sa'ole kene kũ Dikiri tóo de á kpé à ga. Akũ Rebeka èra à pìne: Ñ ma yā ma ñ yā kũ ma dānne ke. Ñ gé blè kpāsaa gūn ñ blène mana kũ mèn pla ñ suo. Mani n de poyeina dòo kukune, í géone à ble, ani sa'ole kenne de à kpé à ga. Akũ Yakubu pì a danē: Ma vīni mèkã vī, akũ ma mè pórɔpɔɔ. Tó ma de ɔ kèma, tó à ma dɔ, ani pi mateni a ke pāpāme, ani lé kemene sa'ole gēne ũ. Akũ a da pìne: Luda tó lékennena a pì gōmene. Ñ ma yā ma dé! Ñ gé ñ de ñ suomenē.

Akũ Yakubu gèe à blèe pìno dè à sùo a danē, akũ à a de poyeina dòo kùkune. Akũ à a daudu pókasa mana kũ à kú a kpé gūnno sè à dà a né sabidenē. À blène bára pìno fīfī a ɔɔa kũ a waka pórɔpɔɔ. Akũ à dò kũ burodi kũ à kèeo kpàa.

Yakubu gèe a de kīnaa à pì: Baa! Akũ a de pì: Makũ di! Ma né kpatemē? Yakubu wèa à pì: Makūme Isau n dauduu. Lákũ n òmene nà, ma kè le. Ñ fute ñ vute ñ ma ɔ'í ble de ñ sa'ole kemene. Akũ Isaaku pì a néne: O'o! N lè kò yá? À wèa à pì: Dikiri n Luda mé à ma tá kè nna. Akũ Isaaku pìne: Ñ namai mà ɔ kemma de mà dɔ tó ma né Isaume yāpura. Yakubu nà a dei, akũ à ɔ kèa à pì: Kòto díkīna bi Yakubu kòtoome, ɔ díkīna sɔ Isau ɔme. Akũ adí a dɔro, kũ a ɔɔo kã vī lán Isau pó bà yāi. À ye à sa'ole kene, akũ à a la gīa: Ma né Isaume n ũ yāpura yá? À wèa à pì: Makūme! Akũ à pì: Ñ pó kpáma mà n ɔ'í ble, mani sa'ole kenne. Kũ à dītene, akũ à blè. À sūne kũ wēo, à mì dɔ. Akũ a de pìi pìne: Ñ namai ñ lé péma. Akũ à nài à lé pèa. Kũ Isaaku a pókasanɔ gbī mà, akũ à sa'ole kène à pì:

lán bura kũ Dikiri arubarikaa dòn bà.

à n gba zĩtε mana.

Gbẽno ni zò blenne,

ĩnigõ de n gbẽnɔ dikiri ũ,

n da néno ni kútenne.

Luda ni lé kε gbẽ kũ ò lé kènneɲɔɲε,

ani arubarika da gbẽ kũ ò sa mana ònnenngu.

Kū Isaaku sa'ole kè Yakubune à làka, akū Yakubu gò a kīnaa. Kū a vīni sù kū tofekao gōṅṅ, akū à póbale kè a dene dɔ à gèene, akū à pīne: Baa! N̄ fute n̄ ma ɔ'i ble n̄ sa'ole kemene. Akū a de a la à pì: Mɔkōmme dí ũu? À wèa à pì: Makūme n daudu Isau. Yā pì Isaaku swèe zō àten lukaluka à pì: Dí mé à nòbɔɔ dè à sùomene yā ari ñgō gé su ma sòò? Ma sa'ole kène kò, àkū mé ani arubarika le. Kū Isau a de yā pìi mà, à pūtā à ó gbāna dò à kè wēnda, akū à pì: Baa! N̄ sa'ole kemene dɔ. Akū à pì: N dakūna sù kū ōndōo à n sa'ole sī kò. Akū Isau pì: A tón Yakuburoo? À ma keke à kè gēn plan gwe sà. À ma daudukeze sìma yā, akū à ma sa'ole sìma tera dɔ. Mani sa'ole e doro yá? Isaaku wèa à pì: Ma a dīte n dikiri ũ, ma a danenɔ kè a zīkerinɔ ũ ní pínki, ma póbalewē kū sèwēo kpàa. Bón mani le mà kenne dɔɔ? Isau pì a dene: Baa, sa'ole biren ní vī ado yá? N̄ sa'ole pānde kemene dɔ Baa. Akū Isau wiki gbāna lè. Akū a de wèa à pì:

Zĩte kũ ãinigũ kun nigũ manaro,

mɔtɔ ni bonne zaa musuro.

ĩnigĩ fẽneda kũna,

ĩni zò ble n dakũnane.

Leme dɔ n laakari ni gĩ kpatenaro,

ĩni a gbãngo gonla.

Isau ibereẽ sè kũ Yakubuo sa'ole kũ a de kènẽ yãĩ, akũ à pì a nèsee gũn: Ma de ga zâro, gbasà mani ma dakũna de. Ò yã kũ Isau ò kɔrɔmɔtɔw kè Rebekane, akũ à Yakubu sìsì à pì: Isau ye à fĩna bomma à n de. N̄ ma yã ma sà. N̄ fute n̄ bàà lé n̄ gé ma dāgĩ Labā bea zaa Arana ògĩ kú kãao gwe gĩa ari n v̄ini pì pɔfẽ kpàtẽ. Tó a nèsee kpàtẽ, tó yã kũ n kènẽ sàagu, mani gbẽ zĩ ò n gbese. Má ye mà kura á gbẽnɔn planɔi pínki goro doro.

Akũ Rebeka pì Isaakune: Iti nɔgbẽnɔ ni bòmagu. Tó Yakubu Iti nɔ sè bùsu díkĩnan lán Isau nɔgbẽ bireno bà, ma kunna nigĩ nnamene doro.